

靈寶領教濟度金書卷之

一百五十九
之一百六十

道六

靈寶領教濟度金書卷之一百五十九 一百六十同卷

洞微高士開光救苦真人竊全真授

靈寶通玄弘教水南先生林靈真編

科儀立成品 祈禳通用

投山簡儀

步虛 燒香頌

各禮師存念如法

衛靈

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁

鳴法鼓二十四通

發爐

道六

无上三天玄元始三炁太上老君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓此間土地里域真官正神
急上關啓臣今奉為入齋意以今告投簡文

願得

玉清道炁靈寶妙光下降流入臣等身中令
臣所啓之誠速達徑御

太上无極大道至真玉皇上帝

御前

請稱法位

具位奉行黃籙投龍法事臣某與臨壇官衆
等謹同誠上啓

太羅玉清无極无上至真大道太上老君三
十六部尊經玄中大法師三寶聖衆一切威
靈恭望應感分輝垂慈下降謹奉請某州某

洞天仙官得道神仙諸聖衆飛仙真人一切
威靈伏望真慈垂光下降謹奉請當境主司
虛空鑒察香官使者里域真官翊衛將吏伏
望威聰同垂下降

三獻茶酒

道六

散花

具位臣某謹上啓

太上无極大道太上三尊十方已得道大聖
衆至真諸君文人東華南極西靈北真三十
六部尊經玄中大法師太極真人玄一三真

人諸天日月星宿崑崙上宮諸神仙西靈金
母五嶽真君靈山正職儲副佐命五嶽大神
三官北部六宮幽司天上地下冥靈飛神監
生主錄南上三司至神至靈一切羣仙臣下
愚濁質踈漏無庸善緣所鍾獲承玄化靈寶
御世大法度人佐國立功弘道濟物夙宵負
荷罔敢怠荒今奉為某修建

无上黃籙大齋懺悔罪愆解消災厄法事都
畢投簡靈山金龍驛禱乞削罪錄上聞

九天紀名玉曆願神願仙無邊惡對一切苦

根悉蒙開宥逍遙福門長生度世保天長存
舉家受福長幼承恩祆精殄滅善瑞日生考
殃消釋注訟不興修道叅真永諧仙品
帝王萬壽世上隆昌謹以啓聞乞如所陳臣
誠惶誠恐稽首再拜

道六

讀簡文

三

大明國某州某縣某鄉某里某崇建
无上黃籙大齋幾晝夜滿散修設清醮幾分
位仰答恩光行道事竟投簡靈山願神願仙
長生度世飛行上清五嶽真人至神至靈乞

削臯籍上名九天謹詣靈山投簡紀名金龍
驛傳一如告命

太歲某年某月某日某洞天告下

玄上開明 元始監真 上帝五老 赤書玉文
催促舉仙 高上告命 普告十天 日月星宿

五嶽靈山 天上地下 溟滓大神 監生主錄

南上三天 關領玉簡 勒名丹編 削落罪書

上補帝臣 臣歸至道 修齋立功 願神願仙

三光同存 行道事竟 謹依靈山 謹投玉簡

乞削罪名 飛行自在 萬劫無傾 今日上告

萬神咸聽 請以龍簡 關盟真官 乞如所告

金龍驛傳 三聲

投簡頌 投簡

十二願

一願乾坤明素 二願氣象清玄

三願聖人萬壽 四願化洽八埏

五願天垂甘露 六願地發祥烟

七願四時應候 八願萬物生全

九願家多孝悌 十願國富才賢

十一願齋功廣被 十二願善瑞日臻

復爐

香官使者左右龍虎君侍香諸靈官當令臣
投簡之所自然生金液丹碧芝英百靈衆真
交會在此香火爐前令臣學道得道求仙得
仙齋主受福幽顯沾恩十方仙童玉女侍衛
蘭烟傳旨向來所啓之誠速達徑御
太上无極大道至真玉皇上帝御前

道六

四

投水簡儀

步虛

燒香頌

各禮師存念如法

衛靈

發爐並如前

請稱法位

具位奉行黃籙投龍法事臣某謹奏啓

大羅玉清无極无上至真大道太上老君三

十六部尊經玄中大法師三寶聖衆一切威

靈恭望應感分輝垂慈下降謹奉請某州某

江水帝得道神仙水府威靈諸聖衆伏望真

慈垂光下降謹奉請當境主司虛空鑒察香

官使者里域真官翊衛將吏伏望威聰同垂

下降

三獻茶酒 散花

具位臣某謹上啓

太上无極大道太上三尊十方已得道大聖
衆至真諸君丈人東華南極西靈北真三十
六部尊經玄中大法師太極真人日月五星

道六

五

北斗七元五嶽四方日窟常暘洞谷洞陰神
仙大王扶桑大帝三河四海九江淮濟三官
九署十二河源九府水帝溟冷大神水府仙
衆一切威靈臣誕形下土稟質凡微夙殖德
因遭逢慶運赤書下化靈寶垂光許以穢庸

立功行教奉宣慈訓濟物度人今奉為齋主
恭修建黃籙大齋祈恩懺罪請福消災釋解
冤仇增延命祿法事都畢投簡靈泉金龍驛
傳乞落死籍削罪注生願神願仙賜以自新
玄祖超升解拔苦根注殃永泯和合冤親舉
家受福神炁休寧學識開通智慧圓明闡揚
正法消伏姦兇三界證度功滿行充帝王安
鎮國祚興昌謹以啓聞乞如所陳臣誠惶誠
恐稽首頓首再拜

讀水簡文

大明國某州某縣某鄉某里某崇建

无上黃籙大齋幾晝夜滿散修設清醮幾分
位仰答恩光齋壇解散投簡水府願神願仙
三元司存九府水帝十二河源江河淮濟溟
泠大神乞削罪籍上聞九天謹詣水府投簡

紀名金龍驛傳一如告命

太歲年 月 日某處告下

元始五老 上帝高尊 十方至真 太華靈仙

赤文告命 無幽不聞 上御九天 請下玉文

日月五星 北斗七元 中告五嶽 四元靈山

下告河海 十二泉源 九府水帝 溟泠大神
今日上告 萬願開陳 修齋行道 普為存亡
請贖七祖 宿對罪根 謹投玉簡 乞得上聞
紀名水府 過去升天 生死開度 萬神咸聞
請以龍簡 告盟水官 賜如所陳 金龍驛傳

道六

六

投簡頌

投簡

十二願

復爐

同前

投土簡儀

入壇如前式

請稱法位

具位奉行黃籙大齋法事臣某謹奏啓
大羅玉清元極无上至真大道太上老君三
十六部尊經玄中大法師三寶聖衆一切威
靈恭望應感分輝垂慈下降

謹奉請土府太歲九壘土皇靈官一切威靈
伏望真慈垂光下降

謹奉請當境主司虛空鑒察香官使者里域
真官翊衛將吏伏望威聰同垂下降

三獻茶酒 散花

具位臣某謹上啓

太上无極大道太上三尊十方已得道大聖
衆至真諸君丈人東華南極西靈北真五老
上帝三十六部尊經玄中大法師太極真人
酆都大帝元府六洞泉曲主司无極世界高
皇九土皇靈季帝高真中皇九土戊己黃神

道六

七

土府五帝三界官屬一切威靈臣胎肉生人
昏懵不識會遇真法與善因緣赤書開光靈
寶應運參承佩奉佐時立功濟物度人上裨
玄化以今奉爲齋主某修建黃籙大齋消殃
謝罪解考祈恩行道事竟投簡靈壇金龍驛

傳乞削地簡除其罪名願度願生保衛身形
九老仙都玉曆注名九祖父母咸享福緣殃
愆消釋精神清寧臣學業圓就功行盛明魔
無干犯永保康寧帝王受福天下和平謹以
啓聞乞如所陳臣誠惶誠恐稽首頓首再拜

讀土簡文

大明國某州某縣某鄉某里某修崇黃籙大
齋祈恩懺罪請福消災法事都畢投簡靈壇
中黃九地戊己黃神土府五帝乞削罪籍勒
名太玄謹詣中宮投簡紀名金龍驛傳一如

告命

太歲 年 月 日 時某處告下

天地開張 九炁分靈 三元洞府 十方朗清

五老上帝 開真領生 丹書赤文 元始上精

普告天下 九土皇靈 今日上吉 萬仙定生

修齋行道 普為存亡 我願我仙 請投玉名

土府太皇 勒除罪刑 奏簡上宮 列簿華清

早得飛騰 天地同靈 九祖種親 腐骸更榮

魂升南宮 受化仙庭 今日告命 萬神咸聽

請以金紐 表明至情 請如所告 金龍驛傳

投簡頌 投簡

十願

一願大道流行普天懷德

二願一切有生咸皆悟道

三願九夜幽魂一時解脫

道六

四願孤爽無依咸得受生

五願天下太平五穀豐熟

六願臣忠子孝君仁父慈

七願四海會同寃親和釋

八願潛胞處卵咸得生成

九願積疾新痾旋即痊愈
十願孤露衆生豐衣足食

存神復爐

靈寶領教濟度金書卷之一百五十九

靈寶領教濟度金書卷之一百六十

洞微高士關光救苦真人竊金真授

靈寶通玄弘教水南先生林靈真編

科儀立成品

祈禳
通用

謝恩醮儀

步虛 燒香頌

各禮師存念如法

衛靈

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

道六

九

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 和與道合真

鳴法鼓二十四通

發爐

无上三天玄元始三炁太上老君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉為入
齋意以今陞壇設醮願得

玉清道炁靈寶妙光下降流入臣等身中即
使玄壇清淨內外成真天無氛穢地絕祆塵
琳琅振響十方肅清萬魔不干真誠上徹令
臣所啓之誠速達徑御

太上无極大道至真玉皇上帝

御前

請稱法位

具位奉行黃籙大齋法事小兆臣某與臨壇
官衆等謹同誠上啓

太上无極大道虛無自然元始天尊太上玉

宸大道君金闕後聖玄元老君十方靈寶天
尊高上玉皇已得道大聖衆至真諸君丈人
三十二天帝君東華南極西靈北真上宰上
相上保上傳日月星宿北斗南辰周天真宰
十方无極无量品至真大神飛天神王長生

大聖无量度人君妙行真人天真皇人三十
六部尊經玄中大法師靈寶玄一經籍度師
侍經五帝玉童玉女歲德尊神土地主執三
界應感一切真靈臣聞赤明開圖鼓洪濛於
鰲極清微御運舒混洞於鴻鈞幹陽經陰緯

道六

十

之機植方濁圓清之鍵上羅五億建日月而
運星辰下廣三千奠山川而毓草木惟人爲
貴謂物最靈丹谷凝精騰明霞而降景玄穹
孕粹媾偃月以凌空皆統承於妙極真尊悉
主宰於虛無元聖大哉化育妙矣生成臣幸

藉宿因叨乘真履憲天宏道期殫金石之忱
領教學真誓煥丹青之信今醮官某皈誠紫
漢請命玄虛衣被天光已風行於黃籙蠲消
地癘冀雲委於洪釐輒奉菲儀庸旌葵志伏
望瓊輪羽蓋徼翠節以遙臨綠輦丹輿擁珠
幢而莅止八極之雲龍混景十華之月駟陪
玄俱降道場不遺德悃臣不勝激切望恩之
至謹稽首再拜奉請

請聖

三界衆真醮筵列聖適伸拜請諒沐光臨請

各整於仙班共祗迎於

帝馭

降九位

鸞輿至止鶴駕臨軒與醮衆真如儀朝禮朝
禮既周請陞醮席齋主上香設拜

道六

十二

初獻

重稱法位

具位臣某謹重誠上啓

三清上聖十極高真玄穹之帝后仙真洞府
之神靈主執醮筵內外一切真靈臣聞道貫

玄元御太無之至粹教尊靈寶弘妙有之真
精降黃圖萬類之輝承碧落一元之運生生
不息化化無方役風雨而運雷霆總是裁成
之妙布雲霞而結霜露宏敷化育之功存物
咸熙無求不應今醮官某九思冰履三省淵
臨念心混六塵莫悟棗梨之妙而性迷五蘊
徒滋荆棘之叢罪花風動於四知冤葉雲行
於三惑狂瀾自倒濁浪唯翻日戰胷中恍三
彭之汨沒雷轟眼底驚二豎之紛紜馬屢逸
而弗羈牛獨奔而罔牧天機易洩人事多違

致書五帝之編或鼓三官之筆匪絲襪謝曷
輅康榮爰禱爾而扣閭庸勤斯而潔宇齋嚴
黃錄崇九朝懺滌之恭儀按玄圖備三簡告
成之札和鸞曳玉振鷺鏘金冀膺有造之恩
俯賜無私之惠謄詞青檀寓意丹毫具有詞

文謹當宣奏

宣詞

按如詞旨備極忱恂願雨露之涵濡恍風雲
之慶會誠敷萬一茅茨不剪以神交禮罄再
三黍稷非馨而意契僭寓粟絲之敬恪殫綿

絕之儀伏願永釋千愆風清萬障出作入息
開壽域於千齡宴坐經行闢福鄉於五體月
磬振鏘揚之韻雲鏞流響徹之音符寶衛嚴
翠葆翩翩於玉墀伶華朗奏珠綃縹緲於瑤
壇千枝之穠麗舒明百和之芬芳蔓衍昭昭
日監赫赫時歆饗奠獻之小心錫感通之大
德臣不勝虔祝之至

道六

十二

亞獻

重稱法位

具位臣某謹重誠上啓

三清上聖十極高真玄穹之帝后仙真洞府
之神靈主執醮筵內外一切真靈臣聞視聽
自民上聖之監觀有翼禍福由已下愚之懇
禱無譁雖八萬四千里之高下若殊而一日
十二時之貫通罔間奉幣以告覬敷尺地以
摠誠設醴而陳盞露寸天而寓敬今醮官某
丹誠證質素志敷羅期宏汪濊之玄功爲洗
冥蒙之黑業伏願慈悲丕冒道德曲成勅五
帝四司紀生名於南上勒三官九府削罪籍
於北艷永無注訟之勾連庶絕考殃之纏染

光風霽月融萬善以川增景星慶雲掃千災
而日燦夏屋暢熙夷之樂春臺騰駘蕩之歡
金瑩精神固朱顏而不夜玉澄步武宴綠鬢
以長春六淫雲散於敷頤九厄冰清於視履
簾櫳多暇門館無塵壺天凝喜氣之和福地

道六

十三

耀祥光之大命身泰定運限和平玉田花滿
於三關神光潤曉金鼎葢盈於五室靈炁酣
晨襲世澤之詩書垂芳猷之文獻椿萱茂悅
蘭桂欣愉處于公駟馬之華千祥攸萃昌荀
氏八龍之盛百順來臻凡斯祈請之勤允賴

提携之造臣駕班綴武鳳陞承顏俯仰猶稽
慮觸丹章之鬱勃威儀莫備恐嬰玄憲之森
羅天聽昭明帝心簡在蒙曲垂於涵育實仰
佩於生全上願地紀晏澄丹元朗謐七政舒
光於碧漢風雨均調百昌孕秀於黃垓山川
靜穆歲紀金穰之瑞時宣玉燭之和野絕遺
蝗朝多鳴鳳鞠園靡之青草恩契春生靜方
野之綠林威符秋殺龍仙人鬼均證逍遙蠢
動蛸翹悉陶化育三塗樂意五道懽顏臣等
不勝虔切之至

終獻

具位臣某謹同誠上啓

三清上帝十極高真圓穹帝座星真厚地洞
天海嶽三界官屬百億萬靈臣聞至敬無文
丕顯告成之悃大禮必簡僭陳昭事之儀獻

酬旣備於三周奠饗幸殫於一念以今河澄
月淡夜漏將中斗轉參橫宵躔已半虬鼎烟
沉於蘭篆鸞缸輝暗於芝膏丹旆後先將返
霄衢之仗蒼旌上下行旋輦路之班萬騎雲
奔千轅風動臣翹傾徒切攀戀無階出有入

無凝景混華峯之邃還元返本飛玄融天谷
之幽巨等下情不勝激切攀戀之至謹稽首
再拜奉送

十二願

一願乾坤明素

道六

三願聖人萬壽

五願天垂甘露

七願四時順序

九願家多孝悌

十一願齋功廣被

二願氣象清玄

十四

四願化洽八埏

六願地發祥烟

八願萬物生全

十願國富才賢

十二願善瑞日臻

復爐

香官使者左右龍虎君侍香諸靈官當令臣
設醮之所自然生金液丹碧芝英百靈衆真
交會在此香火爐前令臣學道得道求仙得
仙齋主受福幽顯沾恩十方仙童玉女侍衛
蘭烟傳臣所啓之誠速達徑御
太上无極大道至真玉皇上帝御前

迴輶頌

靈寶領教濟度金書卷之一百六十終

